

## Das zwainzigste Capitel.

Wie viel Stund vnd Minuten ein Stella  
fixa über dem Horizont / am Himmel stehet /  
ehe er vntergehet / zu erfahren.

**R** Vcke das spitzlein des Sterns / auff die krumme  
Horizont Lini im Auffgang / vnd lege die Regel  
auff das pünctlein des Sterns / vnd habe in acht / was  
dir solche im Limbo für ein Stund oder Minuten anzeigt oder  
durchschneidet / von derselbigen Stund nun / zehle die Stund  
vnd Minuten / biß auff 12. vhr im Mittag / vnd dupliere solche /  
so erfahrest du wie viel Stund vnd Minuten ein Stern am Him-  
mel stehet ehe er vntergehe.

## Das einundzwainzigste Capitel.

Vmb welche Stund vnd Minuten ein  
Stella fixa / in den Meridional Circel  
komme.

**R** Vcke desselbigen Sterns Punct / oben auff die  
Mittaglini / laß das Rete also vnverrucket ligen / als  
dann zeuch die Regel durch der Sonnen grad hinauß /  
die wirdt dir im Limbo die Stund vnd Minuten / in welcher  
derselbige Stern / gedachten Meridional Circel erreichen  
wirdt / anzeigen.

Vnd auff diese weisse / kanstu auch erfahren / wann auch die  
Planeten / inn dem Meridional Circel kommt / wosern dir der  
grad